



Vogošća, ul. Jošanička, br. 80; tel: 00387 33 586 413, fax: 586 418

Broj: 07/2-14-44/18  
Vogošća, 02.02.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 02.02.2018. godine donio je

**ODLUKU  
O IZBORU NAJPOVOLJNIJEG PONUDAČA ZA PRUŽANJE USLUGE FIZIČKOG  
OBEZBJEĐENJA ZGRADE OPĆINE VOGOŠĆA**

**Član 1.**

Ponuda ponuđača "Middle point electronics" d.o.o. Sarajevo, ulica Džemala Bijedića broj 35. Sarajevo, odabrana je za pružanje usluge fizičkog obezbjeđenja zgrade Općine Vogošća, kao najpovoljnija ponuda po kriteriju najniže cijene, sa ukupnom cijenom nabavke u iznosu od 18.714,00 KM bez PDV-a, odnosno 21.895,38 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 15.01.2018. godine donio Posebnu odluku o pokretanju postupka Konkurentskog zahtjeva za dostavu ponuda za pružanje usluge fizičkog obezbjeđenja zgrade Općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 16.01.2018. godine pod brojem: 1353-7-2-3-3-13/18. Tendersku dokumentaciju sa Portala javnih nabavki BiH je preuzelo 5 (pet) ponuđača. Krajnji rok za prijem ponuda je bio 25.01.2018. godine do 14:00 sati.

Na prvoj sjednici Komisije za javne nabavke, prilikom otvaranja ponuda dana 25.01.2018. godine, a uvidom u Izvještaj o preuzimanju Tenderske dokumentacije od strane ponuđača od dana 25.01.2018. godine, utvrđeno je da ponuđač "Scutum" d.o.o. Sarajevo nije preuzeo lično Tendersku dokumentaciju sa portala javnih nabavki, iako je isto bilo kategorički traženo Tenderskom dokumentacijom kroz tačku 5.2.

Mišljenje Agencije za javne nabavke BiH broj: 02-02-1-2736-2/17 od 04.07.2017. godine dato na upit Komisije za javne nabavke Općine Vogošća od 23.06.2017. godine predviđa da, ukoliko je preuzimanje Tenderske dokumentacije sa portala javnih nabavki bio jedini način preuzimanja iste, tada ponuda ponuđača koji nije lično preuzeo Tendersku dokumentaciju sa portala ne može biti uopšte predmet razmatranja od strane Komisije za javne nabavke.

Uvažavajući prethodno izneseno, obzirom da ponuđač "Scutum" d.o.o. Sarajevo nije lično preuzeo Tendersku dokumentaciju sa portala javnih nabavki kao što je traženo Tenderskom

dokumentacijom kroz tačku 5.2., njegova ponuda nije bila predmet razmatranja od strane Komisije za javne nabavke, ista nije otvarana na javnom otvaranju ponuda i vraćena je ponuđaču neotvorena, a što je konstatovano i Zapisnikom sa otvaranja ponuda od 25.01.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07/2-14-44/18 iz januara 2018. godine, odnosno pregledu ponuda u skladu sa procedurama i pravilima utvrđenim Tendeskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke konstatuje da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Gama AA" d.o.o. Sarajevo	25.480,00	/	/	29.811,60
2	"Inza" d.o.o Sarajevo	25.480,00	/	/	29.811,60
3	"Middle point electronics" d.o.o. Sarajevo	25.480,00	/	/	29.811,60
4	"Sword security" d.o.o. Sarajevo	25.480,00	/	/	29.811,60
5	"Sector security" d.o.o. Banja Luka	25.480,00	/	/	29.811,60

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Inza" d.o.o Sarajevo, ne ispunjava formalno-pravne uslove tražene Tenderskom dokumentacijom i to:
  - Tačkom 7.3.1. TD, a u skladu sa članom 47. Zakona traženo je da se uz ponudu dostavi:
    - a) Izjava na obrascu ponuđača o ostvarenom prometu pružanja usluga, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine,
    - b) Izveštaj Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja obavještenja o javnoj nabavci.

Ponuđač "Inza" d.o.o Sarajevo u svojoj ponudi nije dostavio ni jednu od traženih stavki.

- Tačkom 7.4.2. TD, a u skladu sa članom 50. Zakona traženo je da se u svrhu dokazivanja ispunjavanja uslova iz tačke 7.4.1. dostavi spisak izvršenih ugovora u ukupnom iznosu od 20.000,00 KM bez PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona. (kopije traženih dokaza).

Ponuđač "Inza" d.o.o Sarajevo u svojoj ponudi nije dostavio traženi dokaz.

- U obrascu za cijenu ponude-Aneks 2 TD (strana 19 TD) u Napomeni-tačka 5. je zahtjevan obavezni ručni unos podataka.

Ponuđač "Inza" d.o.o Sarajevo nije ispoštovao traženi zahtjev ugovornog organa, tj unešeni podaci u Obrascu za cijenu ponude nisu ručno unošeni.

- II. Ponuda ponuđača "Sector security" d.o.o. Banja Luka, ne ispunjava formalno-pravne uslove tražene Tenderskom dokumentacijom i to:
- U obrascu za cijenu ponude-Aneks 2 TD (strana 19 TD) u Napomeni-tačka 5. je zahtjevan obavezni ručni unos podataka.

Ponuđač "Sector security" d.o.o. Banja Luka nije ispoštovao traženi zahtjev ugovornog organa, tj unešeni podaci u Obrascu za cijenu ponude nisu ručno unošeni.

Ponude:

- ponuđača "Gama AA" d.o.o. Sarajevo,
- ponuđača "Middle point electronics" d.o.o. Sarajevo i
- ponuđača "Sword security" d.o.o. Sarajevo

ispunjavaju formalno pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te izvršila računsku provjeru dostavljenih ponuda i utvrdila da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9. 5. (Ispravka računskih grešaka i e-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) bio je predviđen postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke. E-aukcija je bila zakazana 02.02.2018. godine u 9 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 02.02.2018. godine, Komisija za javne nabavke je sačinila sljedeću Rang listu:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Middle point electronics" d.o.o. Sarajevo	18.714,00	21.895,38
2	"Sword security" d.o.o. Sarajevo	18.739,52	21.925,24
3	"Gama AA" d.o.o. Sarajevo	21.560,00	25.225,20


Shodno utvrđenoj rang listi, Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Middle point electronics" d.o.o. Sarajevo, za pružanje usluge fizičkog obezbjeđenja zgrade Općine Vogošća, kao prvoplasiranom na rang listi, sa ponuđenom najnižom cijenom tehnički zadovoljavajuće ponude u ukupnom iznosu od 18.714,00 KM bez PDV-a, odnosno 21.895,38 KM sa uračunatim PDV-om

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- |   |             |
|---|-------------|
| 1. "Middle point electronics" d.o.o. Sarajevo | 033/677-157 |
| 2. "Sword security" d.o.o. Sarajevo           | 033/664-483 |
| 3. "Gama AA" d.o.o. Sarajevo                  | 033/467-771 |
| 4. "Inza" d.o.o Sarajevo                      | 033/777-401 |
| 5. "Sector security" d.o.o. Banja Luka        | 051/424-142 |
| 6. "Scutum" d.o.o. Sarajevo                   | 033/295-020 |
| 7. Nadležnoj Službi                           |             |
| 8. U dosije                                   |             |
| 9. a/a  |             |

OPĆINSKI NAČELNIK

  
EDIN SMAJIC